



Scolaziun speciala integrada - ISS

La spüerta

Daspö l'on da scoula 1999/2000 spordscha GIUVAULTA la scolaziun speciala integrada per uffants cun ün impedimaint spiertal e/o multipel, cun ün impedimaint da lingua, cun ün impedimaint da vezzüda o d'udida e cun ün impedimaint da percepciun (p.ex. autissem) in scoulina ed in scoula regulara.

Quai significha ch'ün uffant cun ün impedimaint frequentaint la scoulina o la scoula in seis lö da domicil. Per ün tschert nomer da lecziuns vegn el accompagnà in classa d'üna specialista da pedagogia curativa scolastica (ed in cas da bsögn da l'assistenza scolastica). Las terapias necessarias per üna promoziun optimala vegnan organisadas al lö o in prosma vicinanza.

Noss böts

Il böt suprem da la ISS es cha l'uffant resta in seis ambiaint social familiar e collià cun quai la pussibilità da s'integrar in seis ambiaint da vita tradiziunal. Quista integraziun nu grataja adüna da sai, ma douvra sustegn dals genituors, da las autoritats da scoula e da la magistraglia.

Ultra da la finamira da l'integraziun sociala vegn eir tut in mera la megltra promoziun scolastica pussibla da l'uffant integrà.

Lavur in gruppa «in üna scoula per tuots»

Per cha la scolaziun speciala possa reuschir, es necessaria üna collavuraziun stretta tanter blers partits participats. La persuna d'instrucziun da la scoulina o da la classa regulara e la persuna d'instrucziun/experta da pedagogia curativa scolastica organiseschan insembel l'instrucziun per "üna scoula per tuots". Quista resguarda ils duns e'ls bsögns da mincha uffant (d'impedi fin fich talentà).

Üna promoziun optimala pussibiltescha a mincha uffant d'imprender a cugnuscher il success, quai chi rinforza, insembel cun üna cultura da fals predscheda, la fiduzcha in

sai stess e l'abilità per ün agir independent ed autodeterminà.

Quista collavuraziun as sviluppa i'l cas ideal uschè cha la preschentscha da la specialista da pedagogia curativa (resp. da l'assistenza scolastica) significha per la persuna d'instrucziun da la classa regulara e seis scholars ün guadogn ed ün avantag. Il center da cumpetenza respunsabel garantischa il support specialisà necessari. Eir ils genituors sun participats activmaing al process, medemmamaing las terapeutas e'ls terapeuts integrats, la direenziun da scoula al lö, il servezzan psicologic da scoula ed ulteriuras persunas specialisadas.

Duos jadas l'on s'inscuntran las persunas participadas ad ün discuers da verificaziun, i'l qual vegn analisada la situaziun actuala da la ISS e dumondas pendentas vegnan discutadas e scleridas. L'ulteriu proceder vegn determinà da böts stipulats insembel, da masüras e respunsabilitats.

Imprender insembel es divertent, promouva toleranza, umanità ed apprezzaziun. Quai ha effets positivs sün la convivenza e la società.

Importanza da la ISS per tuot la scolaziun speciala

Id es important per nus da cuschidar la scolaziun speciala ill'instituziun e la scolaziun speciala integrativa sco spüertas equivalentas. Il böt es da chattar per mincha uffant la fuorma da promoziun chi correspuonda il meglter a sia situaziun ed a seis ambiaint da vita. La permeabilità tanter ils models es per nus fich importanta, güsta uschè l'infuormaziun davart soluziuns da cuntinuaziun pussiblas.

GIOVAR, LAVURAR ED
IMPRENDER INSEMBEL IN
ÜNA SCOULA PER TUOTS.